



TILLEGGSINNKALLING KOMMUNESTYRET

Møtedato: 04.11.2019
Møtested: Heradsstyresalen, Dale
Møtetid: 11:00 - 16:00

Eventuelle forfall / melding om møtande varamedlem må meldast på [møteportalen](#) eller til Lin Tove Thomassen epost lin.tove.thomassen@vaksdal.kommune.no

Det er open halvtime frå kl 1100

Innbyggjarar som ønskjer å ta ordet i open halvtime må vere tilstades i kommunestyresalen kl 1100

Etter open halvtime vil Frode Løvli frå Deloitte presentera rapport etter forvaltningsrevisjon av tilhøva for tilsette som utfører arbeid på nye Dale- og ungdomsskule.

ORIENTERINGAR

- Fast orientering frå ordførar og rådmann
- Presentasjon av budsjett 2020

SAKSLISTE

SAKSNR	TITTEL
76/2019	MØTEDAG FOR FOLKEVALDE ORGAN
77/2019	VAL TIL UTVAL, RÅD, NEMNDER M.M. FOR PERIODEN 2019-2023
78/2019	VAL TIL LEVEKÅRSUTVAL FOR PERIODEN 2019-2023
79/2019	VAL TIL BYGDEUTVIKLINGSUTVAL FOR PERIODEN 2019 - 2023

31. oktober 2019

Hege Eide Vik
Ordførar



SAKSPAPIR

Saksnr	Utval	Type	Dato
76/2019	Kommunestyret	PS	04.11.2019

Sakshandsamar	Arkiv	ArkivsakID
Atle Fasteland	FE-044, TI-&00	17/651

MØTEDAG FOR FOLKEVALDE ORGAN

Rådmannen sitt framlegg til vedtak:

Kommunestyret vedtek å flytte fast politisk møtedag frå måndag til torsdag frå 01.01.2020

Saksopplysningar:

Dei siste periodane har kommunestyret hatt måndagar som fast politisk møtedag for utvala. Dette gjeld i hovudsak møter for folkevalde organ i Vaksdal kommune. No ser rådmannen at det er tid for å ta opp sak om å flytte den politiske møtedagen til seinare i veka, forslaget frå rådmannen er torsdagar, men rådmannen ser at tirsdagar og onsdagar og kan vere gode alternativ til måndagar.

Ei kartlegging av faste politiske møtedagar for kommunestyret i nabokommunar viser at dei mest vanlege møtedagane er tirsdag, onsdag eller torsdag. Ved å flytte møtedag til ein av desse, vil dette også gje større rom for møter og samhandling med nabokommunar og andre. Rådmann opplever at fast møtedag om måndagar ofte kolliderer med møter utanfor kommunen. Det heng saman med at få andre kommunar har politiske møter måndagar og fredagar. Derfor blir måndag og fredag mykje brukt til møter der fleire kommunar er venta å stille.

I reglement for kommunestyret / politiske organ står det at sakene som regel skal gjerast tilgjengeleg for medlemmene i organet minst 7 dagar før møtet. Når møtene har blitt gjennomført på måndagar, har sakspapir vorte sendt ut om fredagane slik at medlemmene i organet har to helger tilgjengeleg til å førebu seg til møtet. Dersom den politiske møtedagen vert flytta til ein annan dag i veka, vil ikkje det politiske organet få to helger å førebu seg på, men likevel ha 7 dagar til å lesa saksutgreinger.

Legg vi om rutinane til møter om tirsdagar vil sakspapira bli sendt ut måndag i veka før møtet. Rådmannen ser at det er fordelar med å få ut sakspapira så tidleg som mogleg og ha eit organ som har fått tid til å setje seg inn i dei ulike sakene og har som mål å sende ut alle møtepapira minst 7 dagar før.

Møte om torsdag vil sakspapir kome onsdag i veka før. Såleis vil ein framleis ha 7 dagar til å førebu

seg til møta. Rådmannen er kjent med at det, diverre, er slik at nokre saker blir ettersendt. Der er ikkje ønskeleg, men frå tid til anna må ein nok rekne med at det kan bli slik og i tida frametter. Ved ettersending er det eit mål at dette ikkje skal vere tunge saker med omfattande innhald og komplekst saksinnhald.

Mandag er ein typisk intern «igangsetjingsdag», slik at det vil vere fornuftig og ikkje binde opp for mange måndagar i månaden. Det er og krevjande for sekretariatet å førebu alt til møter på ein måndag. For dei tilsette på rådhuset vil både tysdag, onsdag og torsdag vere eit betre alternativ. Samstundes syner det seg at organisatorisk er måndagar ofte utfordrande. Det er ein del praktisk å førebu til politiske møter og dette er det langt betre å få gjort dagen før møtet enn fredag før helg. Rådmannen har og grunn til å tru at politisk kan måndagen vere betre eigna enn fredag til å førebu møter.

Det vore eit uttalt politisk ønske om å halde på mandagar slik at Vaksdalsposten har ferskt stoff til den trykte i papiravisa som kjem ut om torsdagar. Rådmannen ønsker eit godt og ryddig forhold til pressa og ser at flytting til torsdagar kan vere eit problem for Vaksdalsposten. Rådmannen ser ikkje dei same utfordringane om ein flyttar møtedag til tirsdagar.

Ifølge redaktør i Vaksdalposten vil eit byte føre til at dei vil publisere aktuelle nyhende via nett og sosiale media først og ta inn reportasjar og artiklar frå møte i papiravisa. Det er også ein generell samfunnstrend at innbyggjarar fangar opp dagsferske nyhende via sosiale media eller nettaviser samtidig som papiravisa inneheld mykje god og aktuell informasjon om veka som gjekk. Kommunen skal gå i gang med nettsending direkte frå kommunestyremøtene slik at interesserte kan følgje med på møtene i sanntid. Erfaringane frå andre kommunar tyder ikkje på at papiravisene vert mindre interessante av den grunn.



SAKSPAPIR

Saksnr	Utval	Type	Dato
05/2019	Valutval	PS	28.10.2019
08/2019	Valutval	PS	04.11.2019
77/2019	Kommunestyret	PS	04.11.2019

Sakshandsamar	Arkiv	ArkivsakID
Lin Tove Thomassen	FE-033, HistSak-15/1205	19/1025

VAL TIL UTVAL, RÅD, NEMNDER M.M. FOR PERIODEN 2019-2023

Vedlegg:

Oversikt over utval,råd, nemnder m.m. i Vaksdal kommune - pr 25.10.19

Rådmannen sitt framlegg til vedtak:

Saka vert lagt fram for kommunestyret utan framlegg til vedtak frå rådmannen.

Valutval - Sak 05/2019

VALU - Behandling:

Valutvalet ha peika ut kandidatar til utval, nemnder, råd og fond som skal veljast innan utgangen av 2019, med unnateke av kandidatar til Levekårsutvalet, Heimevernsfondet og Bergsdalen jordbruksfond.

Medlemmer til Levekårsutvalet vil bli foreslått i kommunestyremøtet.

Heimevernsfondet gjekk i førre periode frå å vere ei kommunal nemnd til distriktsnemnd. Ansvaret for nemnda ligg hjå Voss lensmannskontor. Forskrift om råd, utval og nemnder i Heimevernet (heimevernsforskrifta) gjev alle kommunar høve til å stille med representant i utvalet. Det må difor gjerast ei kartlegging av dette arbeidet saman med Voss lensmannskontor før Valutvalet vil vurdere om Vaksdal kommune skal stille med representant i utvalet.

Vaksdal kommune oppnemner medlemmer og varamedlemmer til Bergsdalen jordbruksfond.

Valutvalet erfarer at organet ikkje har vore operativ dei siste to periodane og ønskjer at administrasjonen kjem med ei tilbakemelding på om tilgjengeleg grunnkapital før dei oppnemner kandidatar til organet for ny periode.

Boris Gjorth (FRP) ønskjer også at det i same høve får informasjon om Konowfondet, som er omtala i bygdeboka for Bergsdalen.

Valutvalet ønskjer at Arbeidsmiljøutvalet (AMU) framleis skal ha to politiske representantar.

Eldrerådet skal vere representert av pensjonistforeiningar med til saman 3 medlemmer med personlege varamedlemmer. Valutvalet har fått inn følgande forslag til eldrerådet:
Vaksdal pensjonistforening v/ Albert Larsen: Anna Bruvik

Dale pensjonistlag v/Bjarnhild Helle og Oddveig Straume: Ragnhild Vatle
Senior Norge Hordaland v/Odd Himle: Asfrid Brunborg Benevoli
Fagforbundet i Vaksdal kommune v/ Thor Andersen: Medlem Agnar Sellevoll og vara Aashild Hestad

Valutvalet fordelte verva til eldrerådet slik:

Anna Bruvik

Ragnhild Vatle med vara Asfrid Brunborg Benevoli.

Agnar Sellevoll med vara Ashild Hestad.

Administrasjonen skal ta kontakt med Vaksdal pensjonistforening for å få ein kandidat som varamedlem.

Det skal veljast to representantar til Råd for menneske med nedsett funksjonsevne (RMNF), ein frå Vaksdal lag for funksjonshemma og ein brukarrepresentant.

Valutvalet har fått inn følgjande forslag:

Fagforbundet i Vaksdal kommune v/ Thor Andersen: Ida Karlsen Eide Aabrekk

Vaksdal lag av NFU: Ida Carlsen Eide Aabrekk

FFO Voss Herad dekker også Vaksdal kommune, dei har frist til å komme med innspel til 3. november.

Valutvalet sette opp Ida Carlsen Eide Aabrekk som medlem i RMNF.

Valutvalet ber administrasjonen om å ta kontakt med medlemmer for noverande råd for å spørje om attval.

VALU - Tilråding/Vedtak:

Valutvalet arbeider vidare med å få på plass kandidatar til dei ulike verva og vil ha sitt siste møte mandag 4. november kl 8.30-9.30.

Saksopplysningar:

Valutvalet i Vaksdal har som mandat å legge fram ei innstilling for val av kandidatar til ulike politiske verv til kommunestyret i Vaksdal kommune i perioden 2019-2023.

Valutvalet vil gjennomføra fleire møter for å ferdigstille si innstilling og oversikta vil bli framlagt for kommunestyret i møte 4. november 2019.

Kommunelova kapittel 7 legg føringar for val til folkevalde organ. Organet vil tre i kraft straks medlemene er valt. Dersom det ikkje vert gjennomført val for nokre av organa, vil dei sitjande medlemene utvide si funksjonstid til det vert gjennomført nyval, men ikkje lengre enn fram til første årsskifte i ny valperiode. Det er krav til kjønnsrepresentasjon ved avtaleval for folkevalte organ. Dvs at kvart kjønn skal vere representert av organet med minst 40 %.

Alle kandidatar som skal veljast må ha skriftleg samtykka til å stille til val.

UTVAL, NEMNDER, STYRER OG RÅD 2019- 2023

Namn	Beskrivelse/mandat	Tal kandidatar som skal veljast	Vedtekter/reglement	Type organ
AO-SENTERET KF	Føretaket skal tilby personar som ikkje kan få arbeid på det ordinære arbeidsmarknaden, arbeidsoppgåver som er tilpassa den einskilde si yteevne. Arbeidet i verksemda skal bidra til å utvikle ressursar hjå deltakarane gjennom kvalifisering og tilrettelagde oppgåver. Målgruppa for føretaket må kunne utføre arbeid i.h.t. føremål den yrkeshemma må ha fått tilsegn om, og ha rettigheter til uførepensjon eller andre ytingar frå NAV.	5 medlemmer og 5 varamedlemmer, valt slik: Eit medlem vert vald av og blant dei tilsette i AO-senteret. Kommunestyret skal velja 4 medlemmer, med personlege varamedlemmer. Kommunestyret vel styreleiar og nestleiar.	Vedtekter	Kommunalt føretak
ADMINISTRASJONSUTVAL	Behandlar saker som gjeld forholdet mellom kommunen som arbeidsgjevar og dei tilsette. Administrasjonsutvalet er sett saman av representantar for kommunen og dei tilsette.	7 frå kommunen og 3 frå dei tilsette, valt slik: Dei tilsette sine representantar vert valt av og blant dei tilsette for to år av gongen. Kommunestyret vel kommunen sine representantar og utvalet sin leiar og nestleiar blant desse. Fleirtalet i utvalet skal bestå av representantar for kommunen. Ordførar og varaordførar er i same rekkjefølgje leiar og nestleiar	Reglement for formannskap/plan/økonomiutvalet og Administrasjonsutval	Partssamansett utval
ARBEIDSMILJØUTVAL (AMU)	Arbeidsmiljøutvalet skal arbeide for eit fullt forsvarleg arbeidsmiljø i verksemda. Utvalet skal delta i planlegginga av verne- og miljøarbeidet i verksemda, og følge nøye med på utviklinga av arbeidsmiljøet.	8 medlemmer og 8 varamedlemmer, valt slik: 4 medlemmer frå arbeidsgjevarsida, 2 av desse skal vere politisk valde. Arbeidstakarorganisasjonane peikar ut 4 medlemmer. Funksjonstid 2 år.	Arbeidsmiljølova kap 7	Partssamansett utval
BARN SINE INTERESSER I PLANLEGGINGA	Kommunestyret skal sørge for å etablere ei særskilt ordning for å ivareta born og unge sine interesser i planlegging . Kommunen har et særskilt ansvar for å sikre aktiv medverking frå grupper som krev spesiell tilrettelegging, mellom anna barn og unge.	(2015-2019:) 1 representant og 1 vararepresentant, valt av kommunestyret. (oftast einingsleiar eller kommunalsjef oppvekst)	Plan- og bygningslova § 3-3 og 5-1	Anna
BERGEN OG OMLAND FRILUFTSRÅD	Interkommunalt samarbeidsorgan med 17 deltakarkommunar i Bergensregionen. Friluftsrådet si oppgåve er å etablere nye friluftsområde, legge til rette og halde dei ved like slik at alle kan bruke dei. Rådet samarbeider med deltakarkommunane, offentlege etatar på ulike nivå og interesserte organisasjonar. Medlemskommunane vel utsendingar til årsmøtet. Årsmøtet vert halden i slutten av mars kvart år.	1 representant og 1 vararepresentant. Vaksdal kommune har ein representant med stemmerett .	Vedtekter.	Interkommunalt samarbeid

BERGSDALEN JORDBRUKSFOND	Statuttane § 1: «Jordbruksfondet skal vera til framhjelp og utviding av gardsbruka i Bergsdalen, til nydyrking, bureising, kulturbeite,grøfting, skogplanting, vyrdsling av skog, jord, fremjing av feavlen, i det heile til å fremja jordbruket og dei næringar som stend i samband med dette»	Statuttane § 6: «Jordbruksfondet skal styrast av 5 mann, valde av kommunestyret, derav 2 frå Bergsdalen, 1 frå jordstyret ? og 2 frå heradsstyret, dessutan 3 varamenn.” ”Styret vel seg imillom formann, varaformann og kassastyrar. Funksjonstid 4 år.»	Statutter	Anna
BIR BEDRIFTSFORSAMLING	BIR AS er eit renovasjonsselskap eig av kommunane Askøy, Bergen, Fusa, Kvam, Os, Osterøy, Samnanger, Sund og Vaksdal. Eigarkommunane har tildelt BIR ansvaret med de lovpålagte oppgavene knyttet til håndtering av avfallet fra husholdningskundene som er bosatt i disse kommunene.	1 representant og 1 vararepresentant til bedriftsforsamlinga.	ordfører (varaordfører varamedlem)	Aksjeselskap
BIR KLAGENEMND	BIR har på einsskilde områder mynde til å gjere einsskildtvedtak. Dersom BIR avgjer å halde ved lag det opphavlege vedtaket, blir saka send over til klagemnda i BIR. Det er ikkje råd å klage på vedtaka i klagemnda. Medlemmene i klagemnda er oppnemnde politisk av kommunane som eig BIR.	(2015-2019:) 1 representant		Aksjeselskap
BKK	Hovudaktivitetar er vasskraftproduksjon, energiomsetjing og infrastruktur til straum og fiber. BKK er eigd av Statkraft, 17 kommunar, Tysnes kraftlag og Etne Elektrisitetslag.	1 representant og 1 vararepresentant til generalforsamlinga	Ordfører (varaordfører varamedlem)	Aksjeselskap
DRIFTSASSISTANSEN I HORDALAND – VANN OG AVLØP (DIHVA)	«Selskapets formål er å være et kompetansesenter for vann- og avløpstjenester. Selskapet skal utføre og formidle tjenester og produkter, slik som driftsassistanse eller driftsansvar, kvalitetssikring, analysevirksomhet, opplæring, erfaringsutveksling og informasjonsvirksomhet. Selskapet kan inngå samarbeidsavtaler eller delta i andre foretak i den grad dette er formålstjenlig.»	1 representant og 1 vararepresentant til representantskapet. Administrativ representant er valt frå kommunane	administrativ representant	IKS
ELDRERÅD	I kvar kommune skal det vera eit eldreråd som skal veljast av kommunestyret for valperioden. Eldrerådet arbeider for å styrke eldre si deltaking og medverknad på alle samfunnsområde. Eldrerådet er eit rådgjevande organ for kommunen. Rådet kan uttala seg om alle forslag som grip inn i levekåra for eldre i kommunen.	5 medlemmer med personlege varamedlemmer, valt slik: 2 medlemmer frå kommunestyret og 3 pensjonistar. Pensjonistlag i kommunen kan kome med framlegg til medlemmer. Pensjonistlaget vel sjølv leiar og nestleiar, som skal veljast mellom pensjonistane.	Kommunelov §5-2 KOM-001/03	Råd
FONDSSTYRE FOR LANDBRUKSFONDET	Fondet skal nyttast til fremjing av landbruket i kommunen. Alle næringsdrivande, lag og organisasjonar i landbruket kan få hjelp av fondet til investeringar.	Kommunestyret oppnemner eit fondsstyre på 3 personar med 3 personlege vararepresentantar for 4 år om gongen, valt slik: - ein politisk representant	Vedtekter Vaksdal Landbruksfond	Anna

	Fondsstyret skal handsama søknader som kjem inn under desse vedtektene, og skal koma med tilråding til kommunestyret som gjer vedtak.	<ul style="list-style-type: none"> - ein representant frå landbruksnæringa - ein representant frå den kommunale landbruksforvaltninga. 		
FORLIKSRAÐ	Kvar kommune skal oppnemne eit utval av personar utan tilknytning til forliksrådet, som er eigna for oppgåva å opptre som fullmektig for ein part i forliksrådet og som er villige til å påta seg eit slikt verv. Det vert ikkje stillt formelle kvalifikasjonskrav til medlemmene i utvalet, men dei bør vere fylt 25 år og ha alminneleg gode norskkunnskaper (både skriftleg og munnleg) og alminneleg god samfunnsmessig kunnskap.	3 medlemmer og like mange varamedlemmer. Kommunestyret vel leiar. Faste møtefullmektigar for forliksrådet. Medlemmene i utvalet vert valde for inntil 4 år om gongen. Nye medlemmer frå 01.01.2020. Som eit minimum skal utvalet ha 3 medlemmer.	Domstollova § 57. 3 Skal veljast av kommunestyret innan 15. oktober året etter kvart kommunestyreval.	Utval
FORMANNSKAP/PLAN- OG ØKONOMIUTVAL	Formannskapet er på vegne av kommunestyret kommunen sitt sentrale styringsorgan, med eit særleg ansvar for økonomi- og plansaker. Det gjer i tillegg vedtak i ei rekkje saker etter fullmakt frå kommunestyret. Formannskapet har også mynde å gjere vedtak i saker som skulle vore avgjort av anna kommunalt organ, når det ikkje er tid til å innkalle dette. Formannskapet sine faste representantar og vararepresentantar skal vere faste medlemmer av kommunestyret. Møta i formannskapet vert leia av ordføraren.	7 medlemmer og antall varamedlemer ut frå antall parti/grupper som stiller liste. Ordførar og varaordførar er leiar og nestleiar	Kommunelova §5-6	Formannskap
FORUM NYE BERGENSBANEN	Forum Nye Bergensbanen er en interesseorganisasjon som ble dannet i 1993 med hovedformål å modernisere Bergensbanen. Medlemmer av forumet er fylkeskommunene Hordaland, Buskerud og Akershus, og kommunene Bergen, Vaksdal, Voss, Ulvik, Aurland, Hol, Ål, Gol, Nes, Flå, Ringerike, Hole og Bærum	1 representant og 1 vararepresentant.	Ordførar (varaordførar varamedlem)	Anna
HEIMEVERNEMND	Heimevernsnemndene vert oppretta av Heimevernet, og det skal minimum opprettast ei HV-nemnd i kvart distrikt med ein representant frå distriktsstaben og en representant frå politiet. I tillegg skal kommunen få muligheit til å stille med inntil to representantar.	Det skal veljast inntil 2 representantar med personlege varamedlemmer	Forskrift om råd, utval og nemnder i Heimevernet (heimevernsforskrifa) og Instruks for råd, utval og nemnder i Heimevernet	Utval
IKTNH	Interkommunalt oppgåvefelleskap om IKT-driftstenester.	1 representant og 1 vararepresentant til representantskapet Ordførar (varaordførar varamedlem)	Vedtekter Ordførar (varaordførar)	Kommunalt oppgåvefelleskap
INTERKOMMUNALT ARKIV I HORDALAND	IKAH sitt føremål er å arbeide for at verdifullt arkivmateriale i eigarkommunane vert teke vare på og sikra som informasjonskjelder for samtid og ettertid, og	Det skal veljast 1 medlem og 1 varamedlem til representantskapen	Selskapsavtale og retningslinjer	IKS

	gjort tilgjengeleg for offentlig verksemd, forskning og andre administrative og kulturelle formål, jf. Lov om arkiv § 6 (arkivlova). Eigarkommunane betaler årleg inn tilskot til drifta basert på folketal. Selskapet sitt øvste organ er representantskapet der alle eigarkommunane representert. Dei vel eit styret som forvaltar selskapet og er ansvarlege for at dette vert drive i samsvar med selskapet sitt føremål, selskapsavtalen, samt retningslinjer vedteke av representantskapet. Dagleg leiar har ansvar for den daglege drifta av selskapet.	Administrativ representant er oftast valt frå kommunane. Ønskjeleg av faglege omsyn.		
INTERKOMMUNALT UTVAL MOT AKUTT FORUREINING	Formålet med samarbeidet er å ivareta deltakerkommunens lovfestede plikt til å ha en interkommunal beredskap mot akutt forurensning.	Det skal veljast 1 medlem og 1 varamedlem til årsmøtet Ordførar og varaordførar (vara)	Skal bli del av Vest brann og redningsregion	Interkommunalt samarbeid
JORDSKIFTEMEDDOMMARAR	Kvar kommune skal ha eit særskilt utval for jordskiftesaker. Dei som er med i utvalet skal vere kunnige i saker jordskifteretten til vanleg har i kommunen. Jordskifterettsleiaren fastset kor mange det skal vere i utvalet for kvar kommune, jfr. § 8 i jordskiftelova. Utvalet vert vald etter reglane i domstollova om val av meddommarar, § 66. Lagrettemedlemmer og meddommarar er ikkje fritakne for val til jordskifteutvalet.		Domstollova: «Valget foretas innen 1. juli året etter hvert kommunestyrevalg, og gjelder for fire år fra 1. januar det påfølgende år.»	
KLAGENEMND	Einskildvedtak utført av kommunen kan påklagast til ei klagenemnd i kommunen	3 medlemmer og 3 varamedlemmer. Kommunestyret vel leiar og nestleiar.	Forvaltningslova §28 KOM-0041/03	Utval
KONFLIKTRÅD - OPPNEMNINGSUTVALET	Meklere oppnevnes av et oppnevningssutvalg som består av én representant utpekt av kommunestyret eller kommunestyrene, én representant fra politiet og konfliktrådslederen.	Det skal veljast ein representant 2015: «Kommunane har tidlegare valt ulike måtar å løyse dette på. I nokre kommunar har ordførar eller rådmann fungert som representant, mens andre kommunar har valt å peike ut ein eigen representant med vararepresentant. Det er opp til kommunane å organisere val av representant til oppnemningsutvalet frå eigen kommune.»	Konfliktrådlova og konfliktrådsbehandling	Anna
KONTROLLUTVAL	Kontrollutvalet fører tilsyn med den kommunale forvaltninga på kommunestyret sine vegner. Kontrollutvalet har som hovudføremål å medverke til ein ålmenn tillit i befolkninga, i høve best mogleg løysing av kommunale oppgåver. Vidare at den kommunale	Det skal veljast 5 medlemmer - minst ein av medlemmene skal veljast blant kommunestyret sine medlemmer. Utvalet skal veljast på det konstituerande kommunestyremøte.	Utvalet er heimla i ny kommunelov kapittel 23 og forskrift om kontrollutval i kommunar og fylkeskommunar	Utval

	oppgåveløysinga er i samsvar med gjeldande lover og forskrifter.			
KONTROLLUTVAL FOR ALKOHOLOMSETNINGA I KOMMUNEN	Oppgaven til Kontrollutvalget for alkoholomsetning er å behandle saker etter lov om omsetning av alkoholholdig drikk m.v. (alkoholloven), med tilhørende forskrifter	I gjeldande politisk styringssystem og delegeringsreglement er dette delegert til levekårsutvalget. Vanleg praksis i mange kommunar.		Utval
KS - FYLKESMØTE	«KS er en arbeidsgiver-, interesse- og rådgivningsorganisasjon, som gjennom ivaretagelse av medlemmenes interesser, skal arbeide for en effektiv og selvstendig kommunesektor som ivaretar innbyggernes behov.»	Det skal veljast to representantar med vararepresentantar. Utvalet skal veljast på det konstituerande kommunestyremøte.	Vedtekter	Anna
KYRKJELEG FELLESRÅD	Vaksdal kyrkjelege fellesråd består av ein representant frå kvart av sokneråda samt ein geistleg representant og ein kommunal representant. Kyrkjeverja er referent for fellesrådet.	Det skal veljast ein representant og ein vararepresentant av kommunestyret.		Anna
LEVEKÅRSUTVALET	Levekårsutvalet sitt arbeids- og ansvarsområde er helse og omsorg, folkehelse, oppvekst og opplæring, og andre saker som naturleg fell innfor utvalet sitt ansvarsområde	Utvalet har 7 medlemmer og tal varamedlemmer ut frå kommunelova. Kommunestyret vel leiar og nestleiar	Retningslinjer	Utval
LANDSSAMANSLUTNINGA AV VASSKRAFTKOMMUNAR (LVK) Kommunekraft	«LVK organiserer kommuner som er vertsskap for vannkraftutbygging. LVK skal ivareta medlemskommunenes interesser i alle spørsmål om kraftutbygging. LVK er partipolitisk nøytraog tar ikke stilling for eller mot vannkraftutbygging.» Kvar kommune har ein stemme men samtlege delegatar har tale- og forslagsrett. Det er ordførar eller den møtedelegar frå kommunen som ordførar har gitt fullmakt som kan avgje kommunen sin stemme på landsmøtet.	Det skal veljast minimum ein representant og ein vararepresentant. Ordføraren skal veljast.	Vedtekter Ordførar	Anna
MEDDOMMARAR TIL LAGMANNSRETTE	Skal veljast av kommunestyret innen 1. juli året etter kvart kommunestyreval, og gjeld for fire år frå 1. januar det påfølgjande år, jfr. § 66 i domstollova.			Anna
MEDDOMMARAR TIL TINGRETTE	Skal veljast av kommunestyret innen 1. juli året etter kvart kommunestyreval, og gjeld for fire år frå 1. januar det påfølgjande år, jfr. § 66 i domstollova.			Anna
MODALEN EKSINGEDALEN BILLAG	Selskapet sitt føremål er å driva bilruter, annan transport, verksemd i denne samanheng og investering i andre selskap.	Det skal veljast ein representant og ein vararepresentant til generalforsamlinga	Nye vedtekter - mai 2019	Aksjeselskap

			Ordfører og varaordfører vart valt for 2015-2019	
MYSTERFONDET FOR OPPHJELP AV VILT OG FISK	(BKK)Midlane skal nyttast til konkrete tiltak for fremjing av vilt og fiske i Vaksdal kommune. Disponering av midlar skal skje med 75 % på fiske og 25 % på vilt.	Eit styre på 5 medlemmer med personlege varamedlemmer oppnemnt av Vaksdal kommunestyre. Note Innlandsfiskeremnda og viltnemnd eksisterer ikkje. representant i styret og kjem med framlegg til denne samt personleg varamedlem (§ 2 i vedtektene).	Vedtekter (er ikkje oppdatert etter at innlandsfiskeremnda og viltnemnda vart lagt ned).	Anna
OMBUDSUTVAL FOR KOMMUNESTYRET	Utvalet skal minst ein gong i valperioden førebu rullering av, og fremje forslag til eventuelle endringar i dei ulike reglementa for politiske utval i Vaksdal kommune. Dette gjeld særskilt Godtgjerslereglement for folkevalde i Vaksdal kommune. Utvalet skal vidare sjå til at naudsynt opplæring og informasjon vert gitt dei folkevalde i	Ved byrjinga av kvar ny kommunestyreperiode vel kommunestyret blant sine medlemmer eit ombudsutval med 5 medlemmer og 3varamedlemmer	Reglement for kommunestyret punkt 20-4	Utval
RÅD FOR MENNESKE MED NEDSETT FUNKSJONSEVNE	Rådet er støttespelar og eit rådgjevande organ for kommunen i saker som vedkjem funksjonshemma sine behov og interesser. I lova er nemnt at dette m.a. gjeld saker om tilkomst, arbeid mot diskriminering på grunnlag av nedsett funksjonsevne, og tenester for folk med nedsett funksjonsevne.	Rådet skal ha 4 medlemmar. 2 av medlemmane vert valde blant medlemmane i kommunestyret, 1 vert vald etter framlegg frå Vaksdal lag for funksjonshemma og 1 representant skal representera menneske med fysisk/psykisk funksjonshemming. Det skal også veljast 4 varamedlemmar. Kommunestyret vel leiar, nestleiar og to medlemmar til rådet.	Kommunelova §5-12	Råd
SAKKUNNIG NEMND FOR EIGEDOMSSKATT	Kommunestyret har vedtatt kommunal taksering av eigedomar og skal med det utnemne ei sakkunnig nemnd som skal setje taksten på grunnlag av forslag frå tilsette synfaringsmenn.	3 representantar skal veljast. Kommunestyret vel leiar, nestleiar og 1 medlem til nemnda.	Eigedomsskattelova § 8 A-3.(4)	Anna
SAKKUNNIG ANKENEMND FOR EIGEDOMSSKATT	Klagebehandling på utskriven eigedomsskatt. Klage vert avgjort av ei nemnd som kommunestyret vel, dersom ikkje kommunen tar klagen til følge	3 representantar skal veljast. Kommunestyret vel leiar, nestleiar og 1 medlem til nemnda.	Eigedomsskattelova § 20	Anna
SAMARBEIDSUTVAL FOR GRUNNSKULANE	«Ved kvar grunnskole skal det vere eit samarbeidsutval med to representantar for undervisningspersonalet, ein for andre tilsette, to for foreldrerådet, to for elevane og to for kommunen. Den eine av representantane for kommunen skal vere rektor ved skolen. Elevrepresentantane skal ikkje vere til stades når saker som er omfatta av teieplikt etter lover eller forskrifter, blir behandla i samarbeidsutvalet.	1 representant m/vararepresentant ved kvar grunnskule	Opplæringslova § 11-1	Partssammensett utval

	Samarbeidsutvalet har rett til å uttale seg i alle saker som gjeld skolen.»			
SAMARBEIDSUTVAL FOR VAKSDAL KOMMUNALE BARNEHAGE	«For å sikre samarbeidet med barnas hjem, skal hver barnehage ha et foreldreråd og et samarbeidsutvalg. Foreldrerådet består av foreldrene/de foresatte til alle barna og skal fremme deres fellesinteresser og bidra til at samarbeidet mellom barnehagen og foreldregruppen skaper et godt barnehagemiljø. Er det i forskrift etter § 15 satt maksimalgrense for foreldrebetaling, kan bare foreldrerådet samtykke i foreldrebetaling ut over dette.»	1 representant m/vararepresentant ved kvar barnehage	Barnehagelova § 4 og vedtekter for kommunale barnehagar § 4	Partssammensett utval
SKJØNSMENN	Vert oppnemnde av fylkestinget etter forslag frå herreds- og byrettane og frå kommunestyra. Vert valde samtidig med val av lagrettemedlemmer og meddommere. Fylkesrådmannen set frist for innsending av forslag frå kommunane.			Anna
STAMVEGUTVALET	«Stamvegutvalgets arbeid er spesielt rettet mot de overordnede faglige og politiske myndigheter for å få en raskest mulig opprusting av E-16 mellom Sandvika og Bergen til stamvegstandard.» «Stamvegutvalget har 19 medlemmer bestående av de tre fylkeskommunene Hordaland, Sogn og Fjordane og Oppland, 12 kommuner langs E-16 på strekningen Bergen - Akershus grense samt 4 andre kommuner med store interesser i E-16.»	Det skal veljast ein representant og vararepresentant frå kommunen. Ordførar og varaordførar (varamedlem)		Anna
UNGDOMSRÅDET	Ungdomsrådet skal handsame alle saker som er av relevant for ungdom i samsvar med eigne vedtekter for ungdomsrådet, vedteken av kommunestyret. Ungdomsrådet kan gje direkte tilråding til kommunestyret.	Til ungdomsrådet skal det veljast representantar i alderen 13 til 19 år (kan ikkje vera fylt 19 år på valtidspunktet). Talet på representantar skal vera 7 Det skal veljast ein representant frå Vaksdal, ein frå Stanghelle, ein frå Dale, ein frå Stamnes og ein frå Eidslandet/Eksingedalen. Desse vert valt for to år om gongen. Det vert såleis val kvar oktober, kor ein anten vel 2 eller 3 nye representantar. Ved første valet vert representantane frå Stangehlle og Stamnes valt kunn for eitt år, slik at den tilsikta overlappinga vert mogeleg.	Vedtekter Kommunelov §5-2	Råd
VAKSDAL NÆRINGSSKAP	«Vaksdal Næringsselskap AS skal vera ein aktiv pådrivar for å gjere Vaksdal Kommune til ein attraktiv nærings- og tilflyttingskommune.»	Kommunestyret skal velja 3 medlemmer og varamedlemmer til styret som igjen vert valt på generalforsamlinga.		Aksjeselskap

VAKSDAL NÆRINGS-PARK	Under avvikling			
VAKSDAL SENTER UTVIKLING AS OG SAMEIGE VAKSDAL SENTER (styremedlem)		Kommunestyret skal velja ein representant til styret som igjen vert valt på generalforsamlinga. Administrativt eller ordførar		Aksjeselskap
VALUTVAL	Valutvalet (tidlegare valnemnda) har som oppdrag å gje innstilling til val av representantar til ulike råd, utval, nemnder og liknande til kommunestyret i Vaksdal kommune.	Det skal veljast 7 medlemmer med varamedlemer jamfør kommunelova. Leiar og nestleiar vert oppnemnd av kommunestyret. Utvalet skal veljast på det konstituerande kommunestyremøte.		Utval
VALSTYRET	I kvar kommune skal kommunestyret velja eit valstyre med ansvaret for å gjennomføra val til storting, fylkesting og kommunestyre.	Kommunestyret skal veljast 7 medlemmer og varamedlemmer etter kommunelova. Kommunestyret vel leiar og nestleiar.	Vallova	Utval
RØYSTESTYRE	Det skal oppnemnast eit røystestyre for kvar røystekrins på valting. Kommunestyret kan delegere utnemninga til valstyret. Dette skjer framfor kvart val.	Det skal minimum veljast 3 medlemmer med varamedlemmer	Vallova	Utval
VASSREGIONUTVAL OG VASSOMRÅDEUTVAL	«Statlege sektormynd og kvar kommune i vassregionen er representert i Hordaland Vassregionutval. I VRU sitt arbeidsutval er kvar sektormyndigheit og ein kommune i kvart av dei 5 vassområda representert.»	1 representant og 1 vararepresentant. Vestland fylkeskommune ber om at det er ordførar som vert valt. Sjå vedlagte skriv.		Anna
VILLREINEMNDA FOR FJELLHEIMEN (Fylkesnemnd)	«Villreinen i alle villreinområder med areal i to eller flere kommuner skal forvaltes av en villreinnemnd. Villreinnemndene består av ett medlem fra hver av kommunene som har areal innenfor nemndas geografiske ansvarsområde.» «Villreinnemnda skal arbeide for en langsiktig bærekraftig forvaltning av villreinen og dens leveområder i samsvar med naturmangfoldloven og viltloven. Videre skal villreinnemnda utføre oppgaver i samsvar med hjorteviltforskriften. Villreinnemnda har også en viktig oppgave i å uttale seg i relevante arealplansaker som berører villrein og dens leveområder.	1 representant og 1 vararepresentant, ein kvinneleg og ein mannleg kandidat til Villreinnemnda for Nordfjella, Fjellheimen og Raudafjell «Miljødirektoratet ber kommunene om å foreslå en kvinnelig og en mannlig representant. ... Kommunen bør om mulig foreslå personer som sitter i kommunestyret eller i politisk organ med ansvar for vilt- eller arealforvaltning.»	Hjorteviltforskriften	Anna
VILTFONDSTYRE (BKK sit viltfond i samband med Eksingedalsreguleringa)	Interkommunalt fond som gjeld for kommunane Modalen, Vaksdal, Vik og Voss. Tilgjengeleg kapital i fondet skal nyttast til viltstelltiltak i samsvar med til ei kvar tid gjeldande plan vedtatt av styret. Styret skal samansettjast av ein representant med personleg vararepresentant frå kvar av kommunane	Kommunen oppnemner ein representant med personleg vararepresentant.	Vedtekter	Anna

Vest Brann og redningsregion	Formålet er å utvikle og ivareta et langsiktig faglig samarbeid mellom selvstendige brannvesen i Bergensregionen innen følgende fagområder: Brannforebyggende arbeid, Brann- og redningsberedskap, Beredskap mot akutt forurensning og Nødmeldingstjeneste (110-sentral)	1 representant og vararepresentant Ordfører og varaordfører (varamedlem)	Årsmøte	Interkommunalt samarbeid
-------------------------------------	---	---	---------	--------------------------



SAKSPAPIR

Saksnr	Utval	Type	Dato
78/2019	Kommunestyret	PS	04.11.2019

Sakshandsamar	Arkiv	ArkivsakID
Lin Tove Thomassen	FE-033, HistSak-15/1205	19/1025

VAL TIL LEVEKÅRSUTVAL FOR PERIODEN 2019-2023

Rådmannen sitt framlegg til vedtak:

Saka vert lagt fram for kommunestyret utan framlegg til vedtak.

Saksopplysningar:

I Vaksdal kommune skal kommunestyret velja 7 medlemmer og varamedlemmer til Levekårsutvalet. I tillegg skal kommunestyret velje leiar og nestleiar.

Medlemene skal veljast på vanleg måte, det vil seie at det skal vere avtaleval så lenge det ikkje er minst ein medlem som krev forholdsval, jf. kommunelova §7-4.

Ved forholdsval skal kvar liste innehalde to fleire varamedlemmer enn faste medlemmer, jf §7-6. Ved avtaleval skal tal varamedlemmer vere inntil to fleire enn dei faste medlemmene frå partiet eller gruppa.



SAKSPAPIR

Saksnr	Utval	Type	Dato
79/2019	Kommunestyret	PS	04.11.2019

Sakshandsamar	Arkiv	ArkivsakID
Lin Tove Thomassen	FE-033, HistSak-15/1205	19/1025

VAL TIL BYGDEUTVIKLINGSUTVAL FOR PERIODEN 2019 - 2023

Rådmannen sitt framlegg til vedtak:

Saka vert lagt fram for kommunestyret utan framlegg til vedtak.

Saksopplysningar:

Politisk plattform for SP, SV og Høgre ønskjer å etablere eit nytt politisk utval med namn: Bygdeutviklingsutvalet. Utvalet skal tre i kraft frå 1. mars 2020.

Det skal utarbeidast eit eige reglement for utvalet som skal utarbeidast av ombudsutvalet før kommunestyret handsamar reglementet i sitt møte i februar 2020.

Det skal veljast 5 medlemmer med varamedlemmer.

Medlemene skal veljast på vanleg måte, det vil seie at det skal vere avtaleval så lenge det ikkje er minst ein medlem som krev forholdsval, jf kommunelova §7-4.

Ved forholdsval skal kvar liste innehalde to fleire varamedlemmer enn faste medlemmer, jf §7-6. Ved avtaleval skal tal varamedlemmer vere inntil to fleire enn dei faste medlemmene frå partiet eller gruppa.